

## Wien, Österreichische Nationalbibliothek (ÖNB), Cod. 1500

2139

## L I T U R G I C I .

2140

*nobilissimo, ut tradunt byfторie, francorum rege pipino (verius Du-ce, et Majore — Domus Regum Austrasiae) exorta est matre quo-que nobilissima atque prudentissima nomine Hytta, que quondam, ut fertur, dum impregnata esset, in romano itinere, quo sanctorum apostolorum limina uisitauerant, per-regrinum quendam obuium habuit, qui presciens innata virginis miram sanctitatem reginam cum fletu salutauit, regem vero salutare con-tempsit. Qui statim a rege inter rogatus, cur hoc fecisset, respon dit: Nec te nec reginam, sed quam in utero habet, virginem Deo dicatam salutaui. Ipsa ergo sanda virgo Gerdrudis in utero matris*

*deo est dicata. Nihil de hoc Bol landiani; reliquae vero Lectiones de promtae sunt e Vita, quam illi exhibent a C. 1. usque ad 3. ita tamen, ut a verbis: *Deo desideratum reddidit spiritum, desciscat Noster*, et ita concludat: *Omnes vero, qui aderant, suauissimi odo ris fragrantiam (ita olim frequenter l pro r) senserunt, et corpus eius in ecclesia beati petri apostoli cum magna deuocione et digna re uerencia sepelierunt.* Quaedam alia leviora etiam per decursum variant.*

III. fol. 376. p. 2. ut quandoque vertamus Seria ludo, adscripta est sequens de S. Martino Turon. Cantilena.

Pontificis eximij in sand Mertens ere  
Patronique largissimi den schol wir loben sere.  
In cuius festo prospere zw weine werdent moste,  
Et qui hoc nollet credere, der lasz dy wursen chosten  
Martinus christi famulus was gar ain milder herre  
Ditari qui wlt sedule, der volg nach seynner lere,  
Et transmittat hic stantibus die phennig aus der taschen  
Et donet scientibus den wein in groisen flaschen,  
Detque esurientibus dy gueten faysten praten  
Gallinas cum caponibus, wir nemens ungesoten,  
Vel pro honore dirigat dy gens vnd auch dy anten,  
Et qui non bene biberit, der sey in dem panne.

Accedit Literarum *Hebraicarum* latina, si Superis placet, Signifi catio.

DCCCXCII.

R. 3031 Codex partim membraneus, partim chartaceus lat. Sec. XV. Folior. 170. f. sat probe scri ptus, rubricis distinctus hanc in

anteriore theca Notam praefert: *Iste liber est Domus porte beate Marie in axpach Ord. Carth. et bunc librum habemus a domino petro sacerdote et Donato nostro prope Danubium. Donatos intellige, qui, ut loquuntur Statuta Carthus. a. 1368. Ordini se et sua dede runt et nobiscum resident continue. Est vero Exemplar aliud Matu-*

## Wien, Österreichische Nationalbibliothek (ÖNB), Cod. 1500

2141

## C O D I C E S

2142

*tinalis seu Legionarii B. Mariae Codice praeced. relati, illi, quo ad omnia, conforme, nisi quod Indicem alphabeticum habet, qui partim ante, partim post Opus recentius additus est. Ne prorsus ἀσυμβολος ab hac Compilatione discedam, vide, quo pia simplicitas deducere possit. Fol. 61. in Lct. 3. Feriae IV. post Dom. Palmar. inducitur Mater Christi mortem Filii plangens, et inter alia exclamans: Nichil aliud refat, nisi ut me interficiam. Advertit id quendam Lectorum, qui in margine monet: Hic dic caute de interfessione marie. In Textu nihilominus praevie Augustinus citatur, quod ego Librarii lapsum habeo; nam paullo supra Augustinum Lectiones sumtae dicuntur Ex planctu Anselmi, spurio videlicet illo Dialogo, quem quidem etiam Gerberonius in Adpend. Opp. Anselmi repraesentavit, immunem tamen ab illa blasphemia.*

## DCCCXCIII.

R. 1413 Codex membraneus lat. Sec. XVI. Folior. 36. 8. ad imitacionem characteris Aldini, quem italicum, seu cursivum dicimus, summo nitore exaratus, marginibus omnibus auro, coloribusque auro punctatis ad eum modum jucundissime lemniscatus, qui hodie Arabesque audit, Precatorius est, ita inscriptus: ΧΡΙΣΤΕ ΒΟΗΘΕΙΩΝ. Officium Beatae Mariæ Virginis Secundum Consuetudinem Sanctæ Romanae Ecclesie A Pu-

rificatione Usque Ad Adventum. In hac et pluribus aliis Inscriptiōnibus non nisi aureae et miniatae literae alternant. A fol. 33. succēdunt Officium S. Crucis et S. Spiritus eodem prorsus cultu. Ad quem porro Κειμηλιον istud referendum fit, prima Officii Litera D docet. Occupat ejus aream tiara pontifícia et clavibus S. Petri superimpositis Insigne Familiae Mediceae, circumque illud legas: Pius III. Pont. Max. Anno II. 1561. Idem nomen foll. 1. 8. et 13. inter ornamenta marginum comparet. Habemus igitur Job. Angelum e Medicis Mediolanensis ad Papatum electum exeunte anno 1559. Synodi Tridentinae finitorem et defundit anno 1565. An vero Officium nostrum in usus proprios scribi fecerit, an cuidam ex augusta Domo nostra donum dederit, nihil adnotatum reperio, nec conjectare aliquatenus possum.

## DCCCXCIV.

Codex membraneus lat. Sec. R. 2180 XIV. Folior. 218. f. forma paene quadra, charactere atro, luculento splendide exaratus, coloribus et initiorum picturis decoratus exhibit I. Martyrologium Ursuarii Monachi S. Germani de Pratis ab eo Sec. IX. dicatum Carolo Calvo, cuius optimas Editiones habemus J. B. Sollerii S. J. et Jac. Bullarti O. S. B. Exordium nobis non a Vigilia Natalis Domini, sed a kal. Januariis dicitur, ita: Cir-